



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel
Francofurti Ad Moenum, 1690**

Caput XXXIV. Idem (a) in eodem.

[urn:nbn:de:hbz:466:1-74526](#)

C A P U T XXXIII.

Idem (a) in eodem.

Cum non sit in homine, quod semen ferenti reddat, vel respondeat, quoniam juxta verbum Apostoli, neque qui plantat est aliquid, nec qui rigat, sed qui incrementum dat Deus; ipsum quidem mortificato semine plurimum fructum affer, nimis avarè quidam in decimis defraudare nituntur, census, & tributa, quæ interdum indecimata prætereunt, de frugibus primitus deducentes. Cum autem in signum universalis dominii quasi quodam titulo speciali sibi Dominus decimas reservaverit: Nos & Ecclesiarum dispendiis, & animarum periculis obviare volentes, statuimus, ut in prorogativam dominii generalis exactiōnē tributorum & censūm præcedat solutio decimarum: vel saltem hi, ad quos census & tributa indecimata pervenierint (quoniam res cum onere suo transit) ea per cens. eccl. decimare cogantur Ecclesiis, quibus de jure debentur.

N O T A E.

(a) *I*n eodem.] Concilio videlicet generali Late-

ran. sub Innocentio III. can. §4, ubi reperitur causa hic: & in quarta collectione, sub hoc ist. cap. 6 & textum hunc exposui supra in cap. 26.

C A P U T XXXIV.

Idem (a) in eodem.

Nuper Abbas Cisterciens. Ordinis in generali Capitulo congregati ad commonitionem nostram prouidè statuerunt, nede cætero Fratres ipsius Ordinis emant possessiones, de quibus decimas debeantur Ecclesiis, nisi forte pro monasteriis de novo fundatis, & si tales possessiones eis fuerint piâ fidelium devotione collata, aut emptâ pro monasteriis de novo fundatis, committantur aliis excolendæ, à quibus Ecclesiis decimas perolvantur. Ne occasione privilegiorum suorum Ecclesiæ ulterius prægraventur, decernimus, ut de alienis terris, & amodò acquitendis, etiæ eas propriis manibus, aut sumptibus excoluerint, decimas perolvant Ecclesiis, quibus ratione prædiorum antea solvebantur, nisi cum ipsis Ecclesiis aliter duxerint comprehendendum. Nos ergo statutum gratum, & ratum habentes, hoc ipsum ad alios regulares, qui gaudent similibus privilegiis, extendi volumus, & mandamus, ut Ecclesiarum Prælati promptiores, & efficaciores existant ad exhibendum eis de suis malefactoribus justitiæ complementum, ut eorum privilegia diligenter, & per festius valeant observare.

N O T A E.

(a) *E*odem.] Concilio videlicet Lateran. can. 55. sub Innocentio III. celebrato, ubi habetur præfens textus, & in quarta collectione, sub hoc ist. cap. 7. Casus autem, seu causa hujus constitutionis ita contigit. Cum monachi Cistercienses anno 1213. Capitulum generale celebrarent sub Arnaldo II. in eo recitatæ fuerunt Pontificis literæ super querelæ ad eum delatis per diversos Episcopos, præcipue per Quinquecclielesiem: quibus literis Pontifex commonebat ipsos Cistercienses, immo comminabat abolitionem privilegii illis concessi super exemptione decimarum, ut constat ex epistola 85. ipsius Pontificis, lib. 16. ubi ita illis rescribit: [Venerabilis frater noster Quinquecclielesiensis Episcopus nobis intimare curavit, quod vos extenderentes ad lucra turpia manus vestras, multitudinem emitis vinearum, de quibus sibi, vel Ecclesia diœcesis decimas solvi solent; quartum vi-

num licet nequaquam in usus vestros expendatis, sed vendendum facitis ad alias provincias deportari, decimas tamen sibi, vel ipsis Ecclesiis subtrahitis ex iisdem. Cum igitur ex hoc Ordini vestro plurimum detrahatur, universitate vestre per Apostolica scripta mandamus, quantum ab his de cætero taliter desitatis, quod materia scandali auferatur, & super hoc de vobis clamor ad nos ulterius non ascendet, scientes vobis esse merito formidandum, ne proper clamores hujusmodi sacrum Concilium auctore Domino in proximo celebrandum privilegia vestra coarctanda provideat, vel etiam revocanda, cum privilegium mereatur amittere, qui concessa sibi abutitur libertate. Datum Lateran. xxi. Kalend. Junii, Pontif. nostri anno xvi.] Letis hujusmodi literis Cistercienses statuerunt, modum esse ponendum libertati, sicut & avaritia; præscripseruntque decimas esse solendas ex cunctis prædiis, quæ deinceps acquirerent, sive pretio empta esent, sive fidelium largi-

larginione donata; & omnia ea, aut responda es-
se, aut decimas ipsos soluturos: refert Maniq;
tom. 4. annal. Cisterc. anno 1213. cap. 12. Cujus
constitutionis Capituli generalis Cisterc. meminit
Innocentius III. in presenti, & statuit, prædictam
moderationem esse observandam, non solum ab
ipsis Cisterciensibus, verum & ab aliis aequali
privilegium exemptionis habentibus. Verba hujus
textus refert Manique dicto tom. 4. anno 1213. cap.
12. & anno 1215 cap. 5. num. 6.

COMMENTARIUM.

Cum in præsenti textu modus imponatur pri-
vilegiis exemptionis à solutione decimarum
diversis monachorum Ordinibus concessis, ita ut de
prædis noviter acquisitis decimas ipsi exempti le-
gitimi parochis exfolvant; & postea plura alia pri-
vilegia circa eandem exemptionem ipsi monachi,
& aliis Religiosis à Sede Apostolica impetraverint,
vulgò quarti solet, an in similibus privilegiis debe-
at fieri expressa mentio, & derogatio hujus textus?
Et expressam ejus derogationem desiderari docue-
runt plures, quos sequitur Barboſa in præsenti
num. 1. & de jure Eccles. lib. 3. cap. 26. num. 37.

Noguerol alleg. 39. num. 24. Gutierrez lib. 2. cano-
nic. cap. 21. num. 136. Rota apud Tamburinum
tom. 3. de jure Abbatiss. decis. 94. Larrea alleg. 52.
num. 2. Solorzanus tom. 2. lib. 3. cap. 21. Qui mo-
ventur ex eo, quia cum præsens constitutio Conci-
lii generalis sit, debet fieri ejus expressa derogatio,
juxta communem sententiam, quam tunc plu-
res, quos refertur, & sequuntur Balboa in cap. 1. de
judicis. num. 3. Barboſa ad Concilium Trident. sess. 1.
cap. 1. Fragolo de regim. Chrys. Reip. p. 1. lib. 1. diff.
1. §. 7. Sed contrarium, & rectius, docuerunt Me-
nochius consil. 196. num. 9. Rota apud Cavallarium
decis. 430. & apud Seraphinum decis. 331. Frances
1. p. decis. 764. Marquelandus de commiss. 2. p. pag.
424. Nam verius est, etiam constitutionis concilia-
ris necessariam non esse expressam, & specialem
derogationem; sed sufficere clausulam illam gene-
ralem, non obstantibus, & cetera, ut docent plures
congettū à Barboſa de clausulis, clausul. 82. Basilius
de marina. lib. 8. cap. 17. §. 2. num. 19. unde est
præsens constitutio effet conciliaris, quod negan-
dum est, juxta tradita in cap. 1. de summa Trinit. non
desideraretur ejus specialis derogatio, licet in non-
nullis privilegiis ad maiorem securitatem eam clau-
sulam derogatoriam hujus textus adjectam legerim.

CAPUT XXXV.

(a) Gregorius IX.

In terdicimus universis personis ecclesiasticis, ut decimas detentas à Laicis, ad alienas Ec-
clesias pertinentes, in pignus recipere ab eisdem laicis non præsumant.

NOTÆ

L (a) **G**regorius IX.] Qui motu proprio præ-
sentem edidit constitutionem, intendens
decimas à laicis occupatas virtute infederationis
Pontificiæ facilius recuperari; nam cum laici eas
prescribere nequirent, cap. causam que 7. de pra-
script. Ecclesiastici verò possint, idèo facilius Eccle-
sia poterat eas à laicis recuperare. Quæ fuit etiam

ratio textus in cap. in Lateranensi § 1. de prebend.
cap. cum Apostolica, de his que sunt à Prelat. cap.
cum & plantare 3. de privil. Ideoque prohibet Gre-
gorius decimas pignori dari sub spe redempcionis;
quod plerunque habet à monachis, & personis, qui
eas obtinere non poterant, ut probavi supra in cap.
quisquis de elect. pro expositione textus in cap. 1.
de usuri: & præsens commentarium petendum est
ex adductis supra in cap. prohibemus.

TITULUS XXXI.

De Regularibus transeuntibus ad religionem.

CAPUT I.

Ex Concilio (a) Mogunt.

De clericis hoc statuimus, ut ii, qui hactenus inventi sunt, sive in canonico, sive in monachico ordineton suratis sine eorum voluntate, si liberi (b)
sunt, ut ita permaneant: & deinceps cavendum, ut nullus (c) tondatur sine legitima (d) ætate, spontaneaque voluntate, vel cum (e) li-
centia domini sui.

D. D. Gonzal. in Decretal. Tom. III. Pars II.

Hhh

NOTÆ